



BUDJET MABLAG'LARIDAN FOYDALANISH

islohotlarda muvozanatni saqlaydi

26-yanvar kuni xalq deputatlari viloyat Kengashining to'qson beshinchi sessiyasi o'tkazildi. Sessiyani Kengash kotibiyati mudiri S.Usmonov boshqardi.

Dastlab O'zbekiston Respublikasi Prezidentining 2022-yil 30-dekabrda "O'zbekiston Respublikasining «2023-yil uchun O'zbekiston Respublikasining davlat budjeti to'g'risida»gi Qonuni ijrosini ta'minlash chora-tadbirlari to'g'risida»gi qarori ijrosi bo'yicha viloyat maktabgacha va maktab ta'limi boshqarmasi boshlig'i F.Boltayev hamda viloyat sog'liqni saqlash boshqarmasi boshlig'ining birinchi o'rinbosari D.Asadovlarning hisoboti eshitildi.

Bugungi kunda viloyat maktabgacha va maktab ta'limi boshqarmasi tasarrufida 1272 ta umumta'lim maktablari va 745 ta maktabgacha ta'lim tashkilotlari faoliyat yuritib kelmoqda, dedi F.Boltayev. 2023-yilda tizimdagi umumta'lim maktablarining bir yillik ish haqi fondi va ish haqi ajratmasi uchun respublika budjetidan 3 trillion 216 milliard 692 million so'm mablag' ajratilgan. Mahalliy budjetdan esa joriy xarajatlar, jumladan, ish haqi va uning ajratmasi, kommunal to'lovlar, asosiy vositalarni xarid qilish, qurilish-ta'mirlash kabi xarajatlar uchun jami 331 milliard 779,4 million so'm mablag' ajratilgan. 2023-yilda maktabgacha ta'lim tashkilotlari ish haqi fondi uchun 396 milliard 588 million so'm hamda mahalliy budjet mablag'lari hisobidan 119 milliard 154,7 million so'm mablag' berilgan. Ushbu ajratilgan mablag'larning maqsadli ishlatilishi tegishli vakolatli organlar tomonidan o'rganilgan. Aqlangan xato va kamchiliklar yuzasidan huquqiy baho berilishi bo'yicha huquqni muhofaza qiluvchi organlarga yuborilgan.

D.Asadov viloyat sog'liqni saqlash tizimidagi tashkilotlarga 2023-yilda mahalliy budjetdan joriy xarajatlar uchun 814,5 milliard so'm, obyektlarni loyihalashtirish, qurish (rekonstruksiya qilish) va jihozlash uchun 97,6 milliard so'm ajratilganini ma'lum qildi.

Joriy xarajatlar uchun ajratilgan 814,5 milliard so'm uchta asosiy yo'nalishga sarflandi, dedi D.Asadov. Bular ish haqi va unga tenglashtirilgan to'lovlar, ish haqiga ajratmalar hamda moddiy-texnik bazani mustahkamlash uchun. Keyingi yillarda tibbiyot tizimida olib borilayotgan islohotlarni yangi bosqichga olib chiqish, «Inson qadri uchun» degan ezu g'oya asosida xalqimizga tibbiy xizmat ko'rsatish samaradorligi va sifatini oshirish, tizimli muammolarni bartaraf etish maqsadida sohaga ajratilayotgan mablag'larning asosiy qismi moddiy-texnik bazani mustahkamlash uchun sarflanmoqda. Jumladan, o'tgan yilda bemorlarni oziq-ovqat bilan ta'minlash xarajatlari 31,9 milliard so'm, dori-darmon va bog'lov materiallari bilan ta'minlash xarajatlari 57,3 milliard so'm, kiyim-kechak va yumshoq jihozlar sotib olish uchun 4,2 milliard so'm ajratildi. Berilgan mablag'larning maqsadli sarflanishi tegishli vakolatli organlar tomonidan o'rganib borildi.

Deputatlar ta'lim va sog'liqni saqlash sohasi respublika va mahalliy budjetdan viloyatda sarflanadigan mablag'ning asosiy qismini tashkil etishi, shu bois bu masala har chorakda bir marta muhokama qilinishi zarurligini ta'kidladi.

Shundan keyin viloyat ichki ishlar boshqarmasi boshlig'ining o'rinbosari

ri — jamoat xavfsizligi xizmati boshlig'i X.Umarovning 2023-yil to'rtinchi chorak yakunlari bo'yicha viloyatda jamoat xavfsizligini ta'minlash borasidagi ishlar, jamoat xavfsizligini ta'minlovchi va unda ishtirok etuvchi subyektlar bilan hamkorlikda amalga oshirilgan ishlar bo'yicha hisoboti tinglandi.

Ta'kidlanishicha, viloyatda «Xavfsiz hudud», «Xavfsiz oila», «Nazorat», «Jinoyatchilikka qarshi kurashish», «Jamoat xavfsizligi oyiligi» kabi tezkor-profilaktik tadbirlari tashkil etilgan va keng qamrovli profilaktik ishlar amalga oshirildi. Kriminogen vaziyati og'ir 65 ta mahallaga viloyat darajasidagi, «qizil» toifadagi 273 ta mahallaga tuman-shahar sektor rahbarlari va huquq-tartibot idoralari rahbarlari birlashtirilgan. Tazyiq va zo'ravonlikdan jabrlangan 2232 nafar ayolga «Himoya order»lari berilib, uni sodir etgan shaxslar ustidan ta'sirchan nazorat o'rnatilgan.

Mavjud 1126 ta mahallaning 38,8 foizi, ya'ni 437 tasida jinoyatlar sodir etilishiga yo'l qo'yilmagan, 154 ta mahallaning «qizil» toifadagi «sariq» toifaga o'tishiga erishilgan.

Sessiyada deputatlar viloyat ichki ishlar boshqarmasi yo'l harakati xavfsizligi boshqarmasi boshlig'i Sh.Boyo'rovning O'zbekiston Respublikasi Prezidentining 2022-yil 4-apreldagi «Avtomobil yo'llarida inson xavfsizligini ishonchli ta'minlash va o'lim holatlarini keskin kamaytirish chora-tadbirlari to'g'risida»gi qarori ijrosi yuzasidan hisobotini ham tingladi.

Hisobot yakuni bo'yicha deputatlar boshqarma boshlig'i hamda yo'l harakati xavfsizligi tizimi xodimlari oldiga fuqarolarning hayoti va sog'lig'ini ishonchli himoya qilish, yo'l infratuzilmasining xavfsizlik talablariga to'liq javob berishini ta'minlash, yo'l-transport hodisalarini sabablarini chuqur o'rganish, yo'l harakati xavfsizligini ta'minlash sohasiga zamonaviy axborot texnologiyalarini joriy etish, inson omili va korrupsiya holatlarini istisno etuvchi avtomatlashtirilgan nazorat tizimlarini ommalashtirishga doir tadbirlarni belgilash bo'yicha takliflarini bildirdi.

Shuningdek, sessiyada «Samarqand viloyatida 2024-yilda yuridik va jismoniy shaxslar bo'yicha qishloq xo'jaligiga mo'ljallanmagan yerlar uchun shahar va tumanlar kesimida ularning iqtisodiy rivojlanishiga qarab yer solig'i stavkalarini hamda viloyatda 2024-yilda yuridik shaxslar mol-mulk solig'ini hisoblashda ko'chmas mulkning mutlaq qiymatiga qo'llaniladigan kamaytiruvchi koeffitsiyentlarni tasdiqlash to'g'risidagi masala ham ko'rib chiqilib, tasdiqlandi.

Sessiyada Samarqand shahri, Samarqand va Oqdaryo tumanlarining ma'muriy-hududiy chegaralarini o'zgartirish, viloyatda 2023-2024-yillarda sement-beton yo'llarni qurish ishlarining manzilli ro'yxatini tasdiqlash, 2023-yil to'rtinchi chorak yakunlari bo'yicha viloyat hokimi o'rinbosarlarining samaradorlik ko'rsatkichlari bajarilishi natijalari hamda xalq deputatlari viloyat Kengashining 2024-yil I-yarim yillikka mo'ljallangan ish rejasini tasdiqlash to'g'risidagi masalalar ham ko'rib chiqildi.

Sessiyada muhokama etilgan masalalar yuzasidan tegishli qarorlar qabul qilindi.



XITYOYLIK TADBIRKOR SAMARQANDDA UCHTA ZAVOD QURADI

Avval xabar berganimizdek, viloyat hokimi E.Turdimov boshchiligidagi viloyatimiz tadbirkorlaridan iborat delegatsiya Xitoyda bo'lib turibdi. Ular Chin o'lkasi ishbiarmonlari bilan hamkorlikda yangi iqtisodiy loyihalarni amalga oshirish bo'yicha muzokaralar olib borishmoqda.

Jumladan, Shinjon provinsiyasi Urumchi shahrida to'qimachilik loyihalarini amalga oshirish, «Qashqar» iqtisodiy va texnologik rivojlanish zonasi bilan hamkorlikni rivojlantirish yuzasidan muzokaralar bo'ldi. «Qashqar» iqtisodiy va texnologik rivojlanish zonasi mutasaddilari viloyatimiz bilan yaqin hamkorlik qilish istagida ekanligi-

ni bildirdi. Xususan, ushbu zona faoliyatining bir qismini Samarqandda va «Urgut» erkin iqtisodiy zonasining bir qismini Qashqarda tashkil etishni taklif qildi. Bu o'z navbatida har ikki tomon tadbirkorlari uchun katta imkoniyatlar ochib, ikki hududda iqtisodiy faollikning oshishiga xizmat qiladi.

Uchrashuvlar davomida «Blue Car-

bon» kompaniyasi uch yilda Samarqandda uchta zavod qurish niyatini bildirdi. Xususan, bu rejada quyosh nuri yordamida ishlaydigan yoritkichlar, isitkichlar, ekinlarni sug'orishda ishlatiladigan uskunalar va suv nasoslari ishlab chiqarish ko'zda tutilgan.

Shensi provinsiyasida o'tkazilgan biznes-forumda tibbiyot, farmatsevtika, turizm, to'qimachilik sanoati, qishloq xo'jaligi va boshqa qator tarmoqlar bo'yicha faoliyat olib borayotgan tadbirkorlar bilan ham muzokaralar o'tkazildi.

Yangi Prezident qaroriga ko'ra ELEKTROBUSLAR keladi

Samarqand shahrida jamoat transportini rivojlantirish, aholining o'z manzillariga tez va xavfsiz yetib borishlarini ta'minlash choralarini ko'rilayotir.

Jumladan, Prezidentimizning 2024-yil 22-yanvardagi «Yevropa tiklanish va taraqqiyot banki ishtirokida «Samarqand shahar jamoat transporti uchun elektrobuslar xarid qilish va ular bilan bevosita bog'liq infratuzilmani yaratish» loyihasini amalga oshirish chora-tadbirlari to'g'risida»gi qaroriga ko'ra, ko'hna kentda aholi va ekologiya uchun xavfsiz transport tizimini takomillashtirish maqsadida 100 ta elektrobus va 50 ta quvvatlash quzilmasi ishga tushiriladigan bo'ldi.

O'tgan yili Samarqand shahar jamoat transporti uchun elektrobuslar xarid qilish va ular bilan bevosita bog'liq infratuzilmani yaratish loyihasini amalga oshirish uchun 3 yillik imtiyozli davr bilan 18 yil muddatga bitim imzolangan edi.

Mazkur loyihaga ko'ra, shaharda haydovchilarni tayyorlash va ularning malakasini oshirish o'quv markazi, elektrobuslarga texnik xizmat ko'rsatish va ta'mirlash, shuningdek, ularni saqlashga mo'ljallangan avtobus saroyini rekonstruksiya qilish va tegishli obyektlarni qurish ko'zda tutilgan.

«Samarqandyo'lovchitrans» davlat korxonasi tenderi g'olibi Xitoyning «Yutong Bus Co.LTD» kompaniyasi o'rtasida 100 ta elektrobus va 50 ta quvvatlash quzilmasi xarid qilish bo'yicha shartnoma imzolagan edi. Hozirgacha 6 ta elektrobus va 3 ta quvvatlash quzilmasi olib kelingan bo'lib, Samarqand shahridagi jamoat transporti yo'nalishlarida harakatlanmoqda.

Loyihaga ko'ra, elektrobuslar va quvvatlash quzilmasi tadbirkorlarga ijaraga beriladi va shahar avtobus yo'nalishlariga brutto-shartnoma asosida, to'g'ridan-to'g'ri 7 yil muddatga birlashtiriladi.

O'n yil muddatga tuzilgan ijaraga shartnomasi bo'yicha tushumlar viloyat jamoat transportini moliyalashtirish bo'yicha maxsus jamg'armaga yo'naltiriladi. Shartnomada belgilangan majburiyatlar to'liq bajarilgan taqdirda elektrobuslar va quvvatlash quzilmasi ijarachining mulkiga to'liq o'tkaziladi.



Ilk bor chanoq-son bo'g'imini sun'iy bo'g'imga almashtirildi

Samarqand davlat tibbiyot universiteti travmatologiya va ortopediya, gematologiya kafedralari xodimlari gemofiliya kasalligi bilan kasallangan bemorda yuqori texnologiyali operatsiya, ya'ni chanoq-son bo'g'imini total endoprotezlash (chanoq-son bo'g'imini sun'iy bo'g'imga almashtirish) operatsiyasini mamlakatda ilk bora muvaffaqiyatli amalga oshirdi.

- Bizda oldindan chanoq-son bo'g'imini sun'iy bo'g'imga almashtirish operatsiyasi o'tkazib kelinadi, dedi tibbiyot fanlari nomzodi Ilhom Jo'rayev. - Faqat bu operatsiya gemofiliya kasalligi bilan og'riqan bemorlarda bajarilmas edi. Sababi gemofiliya kasalligiga uchragan bemorlarda operatsiya jarayonida ko'p qon ketib qolishi mumkin. Biz jamoamiz bilan ushbu muammoga yechim topdik va operatsiyani muvaffaqiyatli amalga oshirdik. Operatsiyadan keyin bemor yurishni boshladi va unda hozirgi kunda reabilitatsiya olib borilmoqda. Chanoq-son bo'g'imini total endoprotezlash boshqa kasalliklarda, masalan, son boshchasining aseptik nekrozida, chanoq-son bo'g'imlari koksartroz kasalliklarida keng yo'lga qo'yilgan bo'lib, aynan gemofiliya kasalligida ilk bor bajarildi.

Ayni paytda universitet olimlari ushbu murakkab texnologiyali amaliyotni tibbiyotda keng qo'llash ustida ish olib bormoqda.

Odiibek AHMEDOV.



PAXTA NARXINI BIRJA BELGILAYDI

Fermer va klasterlar uchun yana qanday o'zgarishlar bo'ldi?

Agrar tarmoqda erkin bozor munosabatlarini yanada rivojlantirish, paxta-to'qimachilik klasterlari va qishloq xo'jaligi mahsulotlarini yetishtiruvchilar o'rtasidagi munosabatlarini bozor tamoyillari asosida takomillashtirish zarurati paydo bo'lgandi. Tarmoqda sog'lom raqobat muhitini shakllantirish bilan birga fermer xo'jaliklarini iqtisodiy qo'llab-quvvatlash ham lozim. Shu maqsadda 2023-yil 12-dekabrda Prezidentimiz "Qishloq xo'jaligida erkin bozor munosabatlarini yanada rivojlantirishning qo'shimcha chora-tadbirlari to'g'risida" farmon qabul qildi.

Unga ko'ra, 2024-yil hosilidan boshlab, paxta xomashyosini yetishtiruvchi xo'jaliklar va klasterlar o'rtasida paxta xomashyoni yetkazib berish bo'yicha fyuchers shartnomalari tuproq hosildorligi normativlari doirasida O'zbekiston respublika tovar-xomashyo birjasining "paxta xomashyosi seksiyasi"da har bir hudud bo'yicha alohida o'tkaziladigan savdolar natijalariga ko'ra tuziladi.

Fyuchers shartnomasi - yetishtiruvchi va klaster o'rtasida hosil terimi davrida xomashyoni yetkazib berish sharti bilan ikki tomonlama tuzilgan hamda "O'zbekiston Respublikasi tovar-xomashyo birja" aksiyadorlik jamiyatining alohida "paxta xomashyosi seksiyasi" orqali ro'yxatdan o'tgan shartnoma. Unga muvofiq, yetkazib berilishi lozim bo'lgan hajmdan ortiqcha yetishtirilgan, shuningdek, klaster bilan fyuchers shartnomasi tuzilmagan holda, o'z mablag'lari, shu jumladan, jalb qilingan mablag'lari va tijorat kreditlari hisobiga yetishtirilgan paxta xomashyosi yetishtiruvchilar tomonidan birja orqali tadbirkorlik subyektlariga sotiladi yoki qayta ishlanadi. Ya'ni, fyuchers shartnomasi bo'yicha ortiqcha yetishtirilgan paxta xomashyosi fyuchers shartnomasi tuzilgan klasterga to'g'ridan-to'g'ri sotilishi mumkin. Paxta xomashyosini qayta ishlashdan olingan paxta tolasi va ikkilamchi mahsulotlar (chigit, lint va o'lik paxta) to'liq hajmda birja orqali sotiladi (bu yetishtiruvchilar tomonidan sotiladigan urug'lik paxta xomashyosi uchun tatbiq etilmaydi).

Fermer xo'jaligi o'z majburiyatlarini bo'yicha, shu jumladan, yer ijarasi, fyuchers va kredit shartnomalarida nazarda tutilgan majburiyatlarini bo'yicha o'z mol-mulki bilan javob beradi. Bunda, fermer xo'jaligining boshlig'iga fermer xo'jaligining mol-mulki yetarli bo'lmagan taqdirda fermer xo'jaligining majburiyatlarini bo'yicha o'ziga qarashli mol-mulki bilan qonunchilikka muvofiq subsidiar javobgarlik belgilangan.

Shu munosabat bilan respublika shtabiga paxta xomashyosini yetishtirish, saqlash, realizatsiya qilish va paxta xomashyosi yetishtirilishini moliyalashtirish ustidan nazorat mexanizmini takomillashtirish bo'yicha takliflar tayyorlash;

paxta xomashyosi, paxta tolasi va ikkilamchi mahsulotlar (chigit, lint va o'lik paxta)ni birja savdolariga chiqarish ishlarini tashkil etish;

paxta xomashyosi, paxta tolasi va ikkilamchi mahsulotlar (chigit, lint va o'lik paxta)ni birja savdolariga chiqarish hamda to'lovlarining amalga oshirilishi ustidan kunlik nazorat o'rnatish;

paxta xomashyosi, paxta tolasi va ikkilamchi mahsulotlar (chigit, lint va o'lik paxta)ni sotib olish va sotish bo'yicha yangi tizimning shaffofligini, to'laqonli va adolatli ishlab ketishini hamda paxta xomashyosini yetishtiruvchilar manfaatdorligini ta'minlash yuklatilgan.

Shuningdek, 2024-yil hosilidan paxta xomashyosini yetishtirish, paxta yig'im-terimi va xaridini qishloq xo'jaligini davlat tomonidan qo'llab-quvvatlash jamg'armasiga kredit resurslari hisobidan moliyalashtirish tartibi joriy etilgan:

a) fyuchers shartnomasi tuzgan yetishtiruvchi va urug'chilik subyektlariga har yili 1-oktabrdan paxta xomashyosi yetishtirish uchun - paxta xomashyosi qiymatining 60 foizigacha yillik 10 foizda (shundan, bank marjasi 2 foiz) 14 oyga, shu jumladan, 12 oylik imtiyozli davr bilan kredit ajratiladi;

b) klasterlarga paxta xomashyosi xaridi bo'yicha yakuniy hisob-kitob uchun paxta xomashyosi qiymatining 80 foizigacha yillik 10 foizda (shundan, bank marjasi 2 foiz) 10 oyga, shu jumladan, 6 oylik imtiyozli davr va oxirgi 4 oy davomida teng ulushlarda qaytarish sharti bilan;

ijara huquqi mavjud bo'lgan yer uchastkasida paxta xomashyosi yetishtirish uchun - paxta xomashyosi qiymatining 60 foizigacha yillik 10 foizda (shundan, bank marjasi 2 foiz) 24 oyga, shu jum-

ladan, 18 oylik imtiyozli davr va oxirgi 6 oy davomida teng ulushlarda qaytarish sharti bilan;

ijara huquqi mavjud bo'lgan yer uchastkasida yetishtiriladigan paxta xomashyosining yig'im-terimi uchun - paxta xomashyosi qiymatining 20 foizigacha yillik 10 foizda (shundan, bank marjasi 2 foiz) 12 oyga, shu jumladan, 3 oylik imtiyozli davr va oxirgi 9 oyda teng ulushlarda qaytarish sharti bilan kredit ajratiladi;

v) fyuchers shartnomasiga asosan yetishtiruvchilardan qabul qilingan paxta xomashyosi uchun to'lovlarning 80 foizi paxta xomashyosi qabul qilib olingan kundan boshlab uch ish kunidan kechiktirilmagan, qolgan qismi moliya yilining 31-dekabr kuniga qadar amalga oshiriladi;

g) ajratilgan kredit mablag'lari hisobidan agrotexnik tadbirlar doirasida tovarlar (ishlar, xizmatlar), shu jumladan, moddiy resurslar yetkazib beruvchilar va xizmat ko'rsatuvchilar yetishtiruvchilar tomonidan ixtiyoriy tanlanadi (bundan urug'lik chigit mustasno);

d) yetishtiruvchilar, klasterlar va urug'chilik subyektlari kredit buyurtmalarini Qishloq xo'jaligi vazirligining "Agroplatforma" axborot tizimi orqali elektron shaklda taqdim etadi.

Farmon bilan klasterlarni tashkil etish va ularning faoliyat yuritishi uchun talablar va yangilangan tartib joriy etilgan:

a) talabgor to'qimachilik mahsulotlari ishlab chiqarish (ip kalavasi, trikotaj mato, gazlama, tayyor tikuv-trikotaj mahsulotlari ishlab chiqarish, bo'yash) quvvatlarining kamida ikkita bosqichini yo'lga qo'ygan bo'lishi;

O'zbekistonda ro'yxatdan o'tgan va faoliyat yuritayotgan, tugatilish bosqichida bo'lmagan, to'lovga qobiliyatsizlik to'g'risida ish qo'zg'atilmagan va "yomon" kredit tarixiga ega bo'lmagan hamda murojaat sanasida kredit (lizing, bank kafolati, akkreditiv) va soliqlardan muddati o'tgan qarzdorligi mavjud bo'lmagan bo'lishi shart;

b) klasterlar faoliyati Qishloq xo'jaligi vaziri bilan kelishilgan holda Qoraqalpog'iston Respublikasi Vazirlar Kengashi Raisi va viloyat hokimlarining qarorlari bilan tashkil etiladi;

v) klaster faoliyatini tashkil etish istagida bo'lgan talabgorlar ochiq va shaffof onlayn tanlov asosida tanlab olinadi;

g) paxta-to'qimachilik klasterlari faoliyatini muvofiqlashtirish bo'yicha respublika komissiyasi tugatiladi;

d) Qishloq xo'jaligi vazirligi hamda tegishliligiga ko'ra, Qoraqalpog'iston Respublikasi Vazirlar Kengashi yoki viloyat hokimliklari bilan talabgor o'rtasida klaster faoliyatini yo'lga qo'yish to'g'risida uch tomonlama bitim tuziladi;

e) Qishloq xo'jaligi vazirligi klasterlar reestrini yuritadi va ushbu reestrni o'zining rasmiy veb-saytida doimiy ravishda e'lon qilib boradi;

j) 2024-yil hosili uchun fyuchers shartnomalari tuzishda mazkur bandning "a" kichik bandida nazarda tutilgan qoidalar, istisno tariqasida, amalda faoliyat yuritayotgan klasterlarga tatbiq etilmaydi.

Klasterlar va boshqa to'qimachilik korxonalarini tomonidan paxta xomashyosi to'liq elektron tarozi orqali qabul qilinadi hamda ishlab chiqarilgan paxta tolasi avtomatlashgan majburiy hisobga olish tizimi joriy qilinadi.

Paxta xomashyosi uni yig'ish, tashish, quritish, saqlash va birlamchi qayta ishlashga qo'yiladigan yong'in xavfsizligi talablariga javob beradigan hamda elektron tarozi va texnik jihatdan malakalligi ma'qullangan sinov laboratoriyasi bilan jihozlangan omborlarda saqlanishi shart.

2024-yil paxta hosilidan boshlab elektron tarozi orqali qabul qilingan paxta xomashyosi va ishlab chiqarilgan paxta tolasi avtomatlashgan majburiy hisobga olish tizimi joriy etiladi va uni "Agroplatforma" axborot tizimiga integratsiya qilinadi.

Kelgusida klasterlar va boshqa to'qimachilik korxonalarini tomonidan xarid qilingan paxta xomashyosi o'zlarining belgilangan tartibda texnik jihatdan malakalligi ma'qullangan laboratoriyasida yoki shu talablarga javob beradigan boshqa laboratoriyalarda tahlil qilinib, qabul qilinadi.

2024-yildan klasterlarda moliyaviy hisobotning xalqaro standartlari joriy qilinadi va nufuzli xalqaro auditorlik tashkilotlarini jalb qilgan holda ular faoliyati samaradorligi va moliyaviy ko'rsatkichlarini mustaqil tashqi auditdan o'tkazish choralari ko'riladi.

Bundan tashqari, klasterlarga qabul qilib olingan paxta hosili uchun elektron hisobvaraqa-fakturada ko'rsatilgan qo'shilgan qiymat solig'i summasi klasterlar tomonidan qishloq xo'jaligi korxonalariga (fermer xo'jaliklari) paxta hosili uchun to'langan to'lovga mutanosib miqdorda hisobga olinadi. Bunda klasterlarda qishloq xo'jaligi korxonalarini (fermer xo'jaliklari) tomonidan yetishtirilgan paxta xomashyosini shartnomada belgilangan narxlarida sotib olish va o'z mablag'lari hisobidan amalga oshiriladigan yakuniy hisob-kitobning 20 foizini moliya yilining yakuniga qadar amalga oshirish majburiyati saqlab qolinadi.

2024-yildan paxta xomashyosi yetishtiruvchilarni moddiy resurslar bilan uzluksiz ta'minlash maqsadida tovar-xomashyo birjalarda 0,2 va 0,5 tonnalik kichik lotlarda mineral o'g'itlar, yoqilg'i moylash materiallarining doimiy savdolariga barcha hududlar bo'yicha qo'yilishini ta'minlash nazarda tutilgan.

Savdo-sanoat palatasi va uning hududiy boshqarmalari, tuman (shahar) bo'limlariga fermer xo'jaliklari va tadbirkorlik subyektlarining mineral o'g'it va yoqilg'i-moylash mahsulotlari bo'yicha o'tkaziladigan birja savdolarida ishtirok etishiga ko'maklashishi yuklatilgan.

Egamberdi RO'ZIYEV,
Savdo-sanoat palatasi viloyat hududiy boshqarmasi boshlig'ining birinchi o'rinbosari.

YASHIRIN MAYNING uchun endi jazo chorasi bor

2024-yilning 19-yanvar kuni "O'zbekiston Respublikasining Jinoyat, Jinoyat-protsessual kodekslariga hamda O'zbekiston Respublikasining Ma'muriy javobgarlik to'g'risidagi kodeksiga o'zgartirish va qo'shimchalar kiritish haqida" Qonun qabul qilindi. Hujjat bilan Ma'muriy javobgarlik to'g'risidagi kodeksga uchta yangi modda kiritildi.

Jumladan, 155³-moddada mobil qurilmaning xalqaro o'ziga xos identifikatsiya kodini qonuniy ishlab chiqaruvchining ruxsatisiz o'zgartirish, xuddi shuningdek, ushbu maqsadda maxsus dasturlarni ishlab chiqish, tarqatish yoki ulardan foydalanishda huquqbuzarlik sodir etishga tegishli qurolni musodara qilib, bazaviy hisoblash miqdorining o'n besh baravaridan yigirma baravarigacha miqdorda jarima belgilandi.

155⁴-moddaga ko'ra, kripto-aktivlarni qonunga xilof ravishda olish, o'tkazish yoki ayirboshlash, belgilangan tartibda litsenziya olmasdan kripto-aktivlar aylanmasi sohasi-

dagi xizmatlar provayderlari faoliyatini amalga oshirish qonunbuzarlik qurollarini musodara qilib, o'n besh sutkagacha ma'muriy qamoqqa olish yoki bazaviy hisoblash miqdorining yigirma baravaridan o'ttiz baravarigacha miqdorda jarima solishga sabab bo'ladi.

155⁵-moddada esa mayning faoliyatini belgilangan tartibni buzgan holda amalga oshirish tegishli qurollarni musodara qilib, besh sutkagacha ma'muriy qamoqqa olishga yoki bazaviy hisoblash miqdorining yigirma baravaridan o'ttiz baravarigacha miqdorda jarima solinishi belgilangan.

Shuningdek, Jinoyat kodeksi ham ikkita yangi modda bilan o'ldirildi. Endi yashirin mayningni amalga oshirish bazaviy hisoblash miqdorining yuz baravaridan uch yuz baravarigacha miqdorda jarima yoki ikki yilgacha ozodlikni cheklash yoxud ikki yilgacha ozodlikdan mahrum qilinishiga sabab bo'ladi.

Qotillikmi ↓ Bir jinoyat izidan yoki baxtsiz hodisa?

Samarqand shahri Sartepa maskanidagi xonadonlardan birida yuzaga kelgan oilaviy nizo erning o'limi bilan yakun topdi. Pichoq yurakka sanchilgan. Ammo xotini bu ishda aybi yo'qligini, aslida u erini o'z joniga qasd qilishdan qaytarishga uringani ni aytmoqda. Xo'sh, bu haqiqatmi? Keling, mazkur jinoyatning qanday ochilganini ko'rib chiqamiz.

Marhumning xotini B.M.ning ko'rsatmasidan: X.M. bilan turmush qurganimizga 13 yil bo'ldi. Ustachilik qilardi. Men esa bog'chada tarbiyachi bo'lib ishlayman. O'sha kuni erim uyga yarim tunda mast holatda kirib keldi. Ishlagan joyida pulni berishmagan ekan, badjahl edi. Shundan so'ng turli bahonalardan janjal chiqarishga urinib, baqir-chaqir qila boshladi. Qizim bundan qo'rqib, yig'lashga tushdi. Erimdan tinchlanishini so'radim, ammo u battar jazavaga tushib, qo'limga qizimni tortib olmoqchi bo'ldi. Bir amallab uni bu fikrdan qaytardim. Qizimni xonasiga yotqizib, oshxonaga chiqdim. U yerda o'tirgan erim hayotdan to'yganini, o'zini o'ldirmoqchi ekanligini aytib qoldi. Stol ustida turgan pichoqni olganimga qo'limga chang soldi. Nima bo'lganini anglamay qoldim. Suv berdim, men yaxshiman, degandi. Shu vaqt eshik taqillab, qo'shnimiz T.D. keldi. U erimdan xabar olib, uning uxlayotganini va tez tibbiy yordam chaqirganini aytdi. Bungacha erim bilan o'rtamizda kelishmovchilik bo'lmagan. Men uni qasddan o'ldirganim yo'q.

Marhumning akasi M.M.ning ko'rsatmasidan: Ukam bilan kelinimiz butun turmushi davomida kelisholmay yashadi. Ani qirog'i, kelinimiz ukamni tinch yashashiga qo'ymadi, uni pul topishga majburlab, uydan haydab yuborardi. Oxirgi kunlarda ukam ikki joyda ishlashga majbur bo'ldi. Pul topolmagan kunlari onamiznikida tunab qolaridi. Mastlik masalasiga kelsak, ukamning salomatligi spirtli ichimliklarni ko'tara olmas edi.

Marhumning qo'shnisi D.T. esa o'z ko'rsatmasida o'sha kuni bu xonadonga



ikki marotaba kelganini aytdi. Ya'ni, birinchi marta qo'shnisining qizi yig'layotgani uchun borganida, B.M. erining mast holatda kelib yiqilganini aytgan. U X.M.ning holidan xabar olganda, rostdan ham qo'shni yerdan yotgan bo'lgan. Oradan ma'lum vaqt o'tgach, boshqa bir qo'shni D.T.ga yana shu kvartirada janjal bo'layotganini aytib, xabar olishni so'raydi. Faqat bu gal X.M. nafas olmayotgan edi.

Guvohi bo'lganligizdek, har uch ko'rsatmada ma'lum o'xshashlik va farqlar bor. Marhumning xotini aytgan tafsilotlarning asosiy qismi ikki guvohning gaplariga to'g'ri kelmayapti. Xo'p, bu vaziyatda kim haqu, kim nohaq?

Bizning holatda ayni chigal masalaga sud-tibbiy ekspertizasining xulosalari oydinlik kiritdi. Unda marhumning o'limiga olib kelgan jarohat tahlil qilinib, u ayblanuvchi aytganidek tortishuv yoki o'z o'ziga shikast yetkazish oqibati emasligi, balki qasddan yetkazilgan shikast ekanligi bo'yicha xulosa berdi. Sud mazkur xulosa, guvohlar ko'rsatmasi hamda jinoyat joyini ko'zdan kechirish bayonnomalari bilan tanishib, fuqaro B.M.ni aybli deb topdi hamda unga 10 yil ozodlikdan mahrum etish jazosini tayinladi. Jinoyat uchun jazo muqarrar.

Azizbek OXUNJONOV,
O'zbekiston Respublikasi Bosh prokuraturasi boshqarma katta prokurori.

"O'ztelekom" AJ Jomboy tumani filiali jamoasi tomonidan keyingi yillarda tumanning chekka hududlariga ham Wi-Fi tarmog'i tortilmoqda.

Jumladan, tumandagi 170 ta ijtimoiy obyekt, 56 ta maktabgacha ta'lim muassasasi, 38 ta mahalla fuqarolar yig'ini to'liq tarmoqdan foydalanish imkoniga ega bo'ldi. "Obod mahalla" va "Obod qishloq" dasturlari doirasida tumandagi qishloqlarda yana 8 kilometrlik optik tolali aloqa kabellari tortish belgilangan. Shuningdek, "O'ztelekom" aksiyadorlik jamiyati tomonidan hududlarda yagona savdo ofislarini tashkil etib, aholiga sifatli xizmat ko'rsatish rejalashtirilgan.

- Tumanda aloqa xizmatini kengaytirish borasida barcha kuch va imkoniyatlar yaratilgan, - deydi tuman aloqa filiali bosh aloqa muhandisi Xudoyor Ergashev. - Ayni damda tumandagi xonadonlarning 40 foizidan ortig'i to'liq aloqa xizmatidan foydalanmoqda. Joriy yilda tumandagi chekka hududlarga Wi-Fi tarmog'i yetkazishni maqsad qilganmiz.



Mamlakatimizda aholini ro'yxatga olish tadbirlariga tayyorgarlik ko'rilmoqda. Ro'yxatga olish jarayoni-da uy xo'jaligi va oilalarning tarkibini turli nuqtai nazardan o'rganish mumkin.

Aholini ro'yxatga olishda uy xo'jaligi va oilalarda nimalar inobatga olinadi?

Ro'yxatga olish dasturidagi bir qator belgilar alohida ma'lumotlariga emas, ko'proq oila yoki uy xo'jaligi darajasining ma'lumotlariga taalluqli. Yevropa statistikasi konferensiyasining 2020-yil raundida aholi va uy-joy fondini ro'yxatga olish bo'yicha tavsiyalarida aytilganidek, ko'p mamlakatlarda oila va uy xo'jaliklarining tashkil topish modeli evolyutsiyani boshdan kechirmoqda. Shu sababdan ro'y berayotgan strukturaviy o'zgarishlarni o'rganish juda muhim.

Ro'yxatga olish byulletenida "Odatiy yashash joyi" belgisini uy xo'jaligi a'zolarini aniqlash uchun asos sifatida ishlatish tavsiya qilinadi. Agar faqat yuridik yashash joyi to'g'risida ma'lumot mavjud bo'lsa, bu shu shart bilan ishlatilishi mumkin, u odatiy yashash joyini yetarlicha aniq aks ettiradi.

Xususiy uy xo'jaligi bu - bir shaxsdan iborat uy xo'jaligi, ya'ni alohida yashash birligidagi xonani egallagan shaxs. Ammo u mazkur yashash birligida boshqa shaxslar bilan birlashmaydi va quyida qayd etilgan guruhli uy xo'jaligini tashkil etmaydi. Guruhli uy xo'jaligi, ya'ni ikki yoki undan ortiq shaxsdan iborat guruh yashash birligida birgalikda yashash yoki uning bir qismini o'zini yegulik va yashash uchun boshqa zaruriy narsalarni ta'minlash uchun birlashgan holat. Bu guruh a'zolari ko'p yoki oz miqdorda o'z daromadlarini birlashtirishi mumkin.

Xususiy uy xo'jaligining mazkur konsepsiyasi "xo'jalikni birligida yuritish" konsepsiyasi nomi bilan mashhur va xususiy uy xo'jaliklarining soni yashash birliklarining soniga teng bo'lishini nazarda tutmaydi. Bu konsepsiya doirasida tegishli holatlarda "pensioner" va "kvartirant" atamaları o'rtasidagi farqni belgilash foydali. Pensionerlar xususiy uy xo'jaligida ovqatlanishi va odatga ko'ra, u yerdagi barcha jihozlardan foydalanishi mumkin bo'ladi. Kvartirantlar boshqa tomondan o'zining shaxsiy foydalanishi uchun yashash birligining biror qismini ijaraga oladi.

Qoidaga ko'ra, ro'yxatdan o'tgan xususiy uy xo'jaliklarining umumiy soni yoki bu davlat qaysi konsepsiyani qabul qilishiga bog'liq bo'lmaydi: "xo'jalikni birga yuritish" konsepsiyasini yoki "birligida yashash konsepsiyasi". Biroq o'rtadagi farq ba'zi uy xo'jaliklari turida ahamiyatga ega bo'lishi mumkin. Masalan, bir shaxsdan tashkil topgan uy xo'jaligi. Ro'yxatga olish materiallarida davlatlarga ular xususiy uy xo'jaligining qaysi

konsepsiyasidan foydalanishini qayd etish tavsiya qilinadi.

Institutsional uy xo'jaligi tarkibiga boshpana yoki yegulik bo'lgan ehtiyoji boshqa (muassasa) lar tomonidan qondiriladigan shaxslar kiradi.

Ro'yxatga olish vaqtida muassasalarda istiqomat qilayotgan, ammo boshqa vaqtda xususiy uy xo'jaliklari a'zosi bo'ladigan shaxslar institutsional uy xo'jaliklari a'zosi, deb hisoblanishi mumkin. Qachonki, ularning o'sha yerda yashashi kutilayotgan yoki haqiqatan yashaydigan muddat bir yildan oshsa.

Davlatlar aholini ro'yxatga olish amalga oshirilganga qadar yashash joylarini tekshirish bo'yicha tadbirlarni o'tkazish to'g'risidagi masalani ko'rib chiqishlari lozim. Qisqa so'rovnoma yordamida kollektiv yashash joyining xususiyatlari va funksiyalarini aniqlash, u yerda xususiy uy xo'jaliklari ham bo'lishi ehtimoli va uysizlarga xizmat ko'rsatilishi yoki yo'qligi to'g'risida ma'lumot to'plashi mumkin. Bundan tashqari, bunday kuzatuvning asosiy afzalliklaridan biri - u ko'p maqsadli institutsional uy xo'jaliklarini aniqlash imkonini beradi. Shunday qilib, institutsional uy xo'jaliklarining alohida qismlarini turli toifalarga ajratishga to'g'ri kelishi mumkin.

Mamlakatlar o'rtasida xususiy uy xo'jaliklarida istiqomat qiluvchi aholi va institutsional yoki boshqa uy xo'jaliklarida yashovchi aholini bir-biridan farqlash usullarida tafovutlar bo'lishi mumkin. Ro'yxatga olish hisobotlari va meta-ma'lumotlarida foydalanilayotgan ta'riflarni aniq izohlash va milliy amaliyot va mazkur tavsiyalar o'rtasidagi har qanday farqlarga e'tibor qaratish zarur.

Hozirgi kunda aynan keksalar, nogironlar va aholining boshqa alohida guruhlari yashashi uchun mo'ljallangan yashash joylari soni ortayotgani kuzatilmoqda. Bunda institutsional va xususiy uy xo'jaliklari o'rtasidagi farq noaniq bo'lib qolmoqda va ularda yegulikni birligida yoki har bir uy xo'jaligi o'z jihozlarida alohida tayyorlab, iste'mol qilishi mumkin. Shundan kelib chiqib, bunday yashash birliklarida istiqomat qiluvchilarning kamida yarmi yegulik tayyorlash uchun o'z jihozlariga ega bo'lgan taqdirda barcha shaxslar xususiy uy xo'jaligi sifatida qaralishi va imkoniyat darajasida alohida toifaga ajratilishi tavsiya qilinadi.

Jamol KARIMOV,
viloyat statistika
boshqarmasi bo'lim
boshlig'i.

Samarqand viloyati sudining 2023-yildagi faoliyatiga bag'ishlangan matbuot anjumanida sudlarda ko'rilgan shu va boshqa qonunbuzarliklarga oid faktlar, odil sudlovni ta'minlashga qaratilgan chora-tadbirlar haqida ma'lumot berildi.

Tadbir boshida jurnalistlar viloyat sudi binosi hamda sudyalarning faoliyati bilan tanishtirildi. 2011-yilda foydalanishga topshirilgan binoda sudyalarning, ularning yordamchilari, murojaatchilar uchun zarur barcha sharoitlar bor. Sud zallari ishni onlayn ko'rish imkonini beruvchi qurilmalar bilan jihozlangan.

Matbuot anjumanida Samarqand viloyati sudi raisi O. Hayitov hamda uning o'rinbosarlari mavzu yuzasidan ma'lumot berishdi. Ta'kidlanganidek, o'tgan yili viloyatdagi jinoyat ishlari bo'yicha sudlar tomonidan jami 6345 nafar shaxsga nisbatan 5163 ta jinoyat ishi ko'rilgan. Shundan 3850 ta ish bo'yicha 4946 nafar shaxsga nisbatan hukm chiqarilib, 1381 nafar shaxsga nisbatan 1294 ta ish tugatilgan. Sudlanganlarning 505 nafarini ayollar, 1698 nafarini yoshlar, 137 nafarini voyaga yetmaganlar tashkil etadi.

Shu davrda viloyat sudlarining barcha instansiyalarida 9 ta jinoyat ishi bo'yicha 11 nafar shaxs oqlangan. 1232 ta jinoyat ishi tarafdorlarning yarashganliklari munosabati bilan tugatilib, 1306 nafar shaxs jinoyi javobgarlikdan ozod qilingan. Biroq tahlillar o'tgan yili o'zlashtirish yoki rastrata yo'li bilan talon-toroj qilish jinoyati bilan sudlanganlar 2022-yilga nisbatan 51 nafarga, firibgarlik bo'yicha 51 nafarga ko'payganini ko'rsatmoqda.



Aliment to'lovchi ayollar

Viloyat Matbuot uyida Majburiy ijro byurosi viloyat boshqarmasining 2023-yildagi faoliyatiga bag'ishlangan matbuot anjumanini bo'lib o'tdi. Mavzu yuzasidan boshqarma boshlig'i S. Jabborov ma'lumot berdi.

Ta'kidlanganidek, 2023-yil davomida boshqarma tomonidan jami 547487 ta ijro hujjatlari bo'yicha majburiy ijro tadbirlari amalga oshirildi. Shundan 314445 tasi yuzasidan yakuniy qarorlar qabul qilinib, 2,3 trillion so'm undirilishi ta'minlangan. Byuroning Samarqand tumanlararo bo'limi tomonidan olib borilgan soddalashtirilgan ijro harakatlari davomida, ya'ni axborot kommunikatsiya texnologiyalari yordamida 159012 ta ijro hujjati ijro etilib, 63,1 milliard so'm pul mablag'i undirildi.

— Tizimni raqamlashtirish ishlari amalga oshirilmogda, - deydi S. Jabborov. — Xodimlarimizning ish yuklamasi katta, ular eshikma-eshik yurmasligi kerak. Agar ijro tadbirlari to'liq onlayn amalga oshira olsak, ish samaradorligi oshadi, inson omili bilan yo'l qo'yiladigan turli xatoliklarning oldi olinadi.

Aliment masalasiga kelsak, hisobot davrida jami 203,5 milliard so'm dan ortiq aliment pullari undirildi. Fuqarolar o'rtasida olib borilgan profilaktik suhbatlar natijasida 7207 ta oila yarashirildi. Ma'lumotga ko'ra, ayni kunda viloyatimizda 378 nafar aliment to'lovchi ayol bor.

Ko'paygan firibgarlik, noqonuniy qarorlar, jazodan qutulib qolishga urinish...



— Darhaqiqat, keyingi yillarda sudlarda ko'rilayotgan ishlarda firibgarlik bilan bog'liq jinoyatlar salmog'i ko'paydi, - deydi O. Hayitov. - Shunday holatlar bo'ldiki, ayblanuvchi tomon davogarlarga pulni bir haftada qaytarib berishini aytib yarashadi va qonun talablari-ga ko'ra sud ishi tomonlarning iltimosi bilan tugatiladi. Ammo oradan ma'lum vaqt o'tib, firibgar fuqarolarni ikkinchi marotaba aldagan ma'lum bo'ladi. Shu bois sudlarda fuqarolarga tegishli huquqiy maslahatlar berilib, takroriy jinoyatlarning oldi olinmoqda.

Jurnalistlar masalaning ikkinchi tomoni, ya'ni firibgarlik uchun belgilangan jazo chorasi va yarashiruv institutining samara-

dorligi masalasini ko'rib chiqish taklifini berdi. Qonunbuzarning yetkazgan zararni qoplab, jazodan qutulib qolayotgani shu turdagi jinoyatlar sonining ortishiga xizmat qilayotgani taxmin qilinadi. Bu muammo yuzasida jiddiy monitoring olib borilyapti.

Tadbir doirasida viloyat ma'muriy sudi raisi T. Fayziyev ishtirokida brifing ham bo'lib o'tdi.

Unga ko'ra, o'tgan yili ma'muriy sudlarda tuman va shahar hokimlarining qarorlarini haqiqiy emas, deb topish bilan bog'liq 471 ta ish ko'rilgan. Shundan 219 ta qaror haqiqiy emas, deb topilgan. 16 ta ishda qurilish bo'limi, 64 ta ishda soliq idoralari mansabdorlarining xatti-harakatlari qonunga xilof deb topilgan.

Eslatma

Pensiyaga qanday tayyorgarlik ko'riladi?

Bugungi kunda ko'pchilik o'z kelajagiga e'tiborsiz qarab, pensiyaga chiqish vaqti kelganda afsuslanib qolishi holatlari uchramoqda. Bu fuqaroning ish staji yetishmasligi, oylik maosh miqdorlarining kamligi va hokazolalar bilan bog'liq. Budgetdan tashqari Pensiya jang'armasi pensiyaga chiqish vaqti yaqinlashayotgan fuqarolar uchun muhim eslatmalarni berdi.

Unga ko'ra, har bir fuqaro pensiyasini rejalashtirishi kerak. Ayni jarayon moliyaviy rejalashtirishning asosiy jihati hisoblanadi.

Buning uchun birinchi navbatda, fuqarolar doimiy ish stajiga ega bo'lish uchun rasmiy daromad keltiradigan korxonaga, tashkilot yoki muassasalarda mehnat shartnomasiga asosan faoliyat yuritishi kerak.

Ikkinchidan, norasmiy ravishda mehnat faoliyati yuritayotgan fuqarolar o'zini o'zi band qilgan holda muntazam ravishda ijtimoiy soliqlarni to'lash orqali ish stajiga ega bo'lib borishi lozim.

Uchinchidan, pensiya qonunchiligiga oid ma'lumotlar, kiritilayotgan o'zgarish va qo'shimchalardan xabardor bo'lib borishi zarur.

To'rtinchidan, rasmiy ravishda olayotgan ish haqiga e'tibor qaratish kerak. Bunda pensiya yoshiga yetgunga qadar oxirgi o'n yillik mehnat faoliyatidagi oylik ish haqlaridan pensiya hisoblanadi.

Beshinchidan, raqamlashtirish davrida yashayotganligimizni hisobga olib, fuqarolar o'z ish beruvchilaridan o'zining ish staji to'g'risidagi ma'lumotlarini raqamlashtirishni talab qilishi, mehnat faoliyati yuritmayotgan fuqarolar esa bandlik bo'limlariga mehnat daftarchalaridagi ma'lumotlarini raqamlashtirishni so'rab murojaat qilishi lozim. Bunda kiritilgan ma'lumotlarni ONE-ID orqali tekshirish mumkin.

Fuqarolar o'z mehnat faoliyatlarini yuqoridagi ma'lumotlarni asosida olib borgan taqdirda pensiya yoshida muammolar yuzaga kelmaydi hamda davlat tomonidan moliyaviy ta'minlan-gan keksalik kafolatlanadi.

Ovchilar brakonerlarga qarshi kurashadi

Bu tartib Vazirlar Mahkamasining 2023-yil 20-noyabrda "Jamoat xavfsizligini ta'minlash sohasida ovchilar jamoat birlashmalari faoliyatini sifat jihatidan yangi bosqichga ko'tarish chora-tadbirlari to'g'risida"gi qarorida belgilangan.

Unda O'zbekiston ovchi va baliqchilar sport birlashmasi hamda uning mintaqaviy tuzilmalari bilan birgalikda ovchilik xo'jaliklari hududida tajribali havaskor ovchilarni jalb etgan holda doimiy ravishda qo'shma reydlar va boshqa profilaktika tadbirlarini o'tkazish amaliyotini yo'lga qo'yish nazarda tutilgan. Shuningdek, qaror bilan tasdiqlangan namunaviy nizom asosida hayvonot dunyosini muhofaza qilish va undan foydalanish sohasidagi tadbirlarni amalga oshirishda ovchilar jamoat birlashmalariga a'zo bo'lgan fuqarolarning jamoatchilik asosida ishtirokini tashkil etish tartibi ham tasdiqlandi.

Unga ko'ra, jamoatchi inspektorlar tarkibi birinchi navbatda, ovchilar jamoat birlashmalari tomonidan yuritiladigan ovchilik xo'jaliklari shtatida

yegerlar yoki boshqa shtatdagi ov mutaxassislari mavjud bo'lmagan yoki yetishmaydigan ovchilik xo'jaliklarida shakllantirildi. Ular hududlarda ovchilik xo'jaliklarida belgilangan tartib-qoidalariga rioya etilishini o'rganib borish hamda aniqlangan huquqbuzarliklar yuzasidan tabiatni muhofaza qiluvchi davlat organlari hamda ovchilar jamoat birlashmasini xabardor qilish, patrullik reydlarida ishtirok etish vakolatiga ega bo'ladi.

Shuningdek, qaror bilan "Quroldan xavfsiz foydalanish qoidalariga o'qitish bo'yicha qisqa muddatli maxsus o'quv kurslari to'g'risida" nizom ham tasdiqlandi. Ularda o'qish bilan bog'liq xarajatlar ovchilar jamoat birlashmasi tomonidan belgilanadi. Lekin o'quv kurslariga faqat yigirma besh yoshga to'lgan fuqarolar qabul qilinadi.

Kursni muvaffaqiyatli tugatganlik to'g'risidagi guvohnoma ichki ishlar organidan ov qurolini olishga doir ruxsatnomani olish uchun asos hisoblanadi. Bu orqali ov qurolaridan noqonuniy yoki noto'g'ri foydalanish holatlarining oldi olinib, tabiatga yetkazilayotgan zarar kamaytiriladi.

Viloyat ekologiya va atrof-muhitni muhofaza qilish boshqarmasi matbuot xizmati.

REKLAMA, E'OLONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUROJAAT UCHUN TELEFON: 66-233-91-56

DA'VOLAR BO'LSA...

Samarqand shahridagi "Partner Business Leasing" mas'uliyati cheklangan jamiyati (STIR: 302788308) "Hamkormazling" mas'uliyati cheklangan jamiyatiga (STIR: 206957223) qo'shilmoqda. "Hamkormazling" mas'uliyati cheklangan jamiyati "Partner Business Leasing" mas'uliyati cheklangan jamiyatining huquq va majburiyatlari bo'yicha huquqiy vorisi hisoblanadi.

Shu munosabat bilan unga bildiriladigan barcha da'volar gazetada e'lon chop etilgach, bir oy davomida qabul qilinadi.

Manzil: Samarqand shahri Mahmud Koshg'ariy ko'chasi, 49-uy.

Toyloq tumanida xususiy amaliyot bilan shug'ullanuvchi notarius Valixodjayev Farzod Botirovich notarial idorasida marhum Bobonazarov Umurzok Abduraufovichga (2023-yil 7-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Valixodjayev Farzod Botirovich notarial idorasiga murojaat etishlarini so'raymiz.

Manzil: Toyloq tumani Toyloq shaharchasi.

Samarqand shahrida xususiy amaliyot bilan shug'ullanuvchi notarius Aliyeva Lola

Zoirovna notarial idorasida marhum Buriyeva Gulchexraga (2017-yil 30-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Samarqand tumanida xususiy amaliyot bilan shug'ullanuvchi notarius Shomurodov Anvar Salimovich notarial idorasida marhum Irgashev Shodiga (2020-yil 12-avgustda vafot etgan) tegishli mol-mulk uchun meros

ishi ochilmoqda. Shu munosabat bilan merosxo'rlarning Shomurodov Anvar Salimovich notarial idorasiga murojaat etishlarini so'raymiz.

Manzil: Samarqand tumani O'rtashiq mahallasi.

Samarqand shahrida xususiy amaliyot bilan shug'ullanuvchi notarius Yusupova Iroda Rustamovna notarial idorasida marhum Tursunkulov Raxmatga (2020-yil 11-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Iroda Rustamovna notarial idorasiga murojaat

etishlarini so'raymiz.

Manzil: Samarqand shahri Bog'dod ko'chasi, 1-uy, 3-xona.

Samarqand shahrida xususiy amaliyot bilan shug'ullanuvchi notarius Yusupova Iroda Rustamovna notarial idorasida marhum Jurayeva Risolatga (2010-yil 22-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Iroda Rustamovna notarial idorasiga murojaat etishlarini so'raymiz.

Manzil: Samarqand shahri Bog'dod ko'chasi, 1-uy, 3-xona.

Yozish - fikrni tushunarli, imlo xatosiz qog'ozga tushirish mahorati, shaxsning ma'naviy saviyasi, ong va tafakkur darajasi, jamiyatdagi mavqei, odamlar bilan muomala madaniyatini belgilovchi vosita. Odam bunday fazilatga o'qish, o'qilganni uqish orqali erishadi. Yozuv nafaqat shaxsiy hayotda, balki mahkama va idoralar, davlatning boshqa muassasalarida hujjatlar yuritish tizimining asosi hisoblanadi. Bu esa ishchi xodimlar, mutaxassislarining muntazam o'qish orqali yozish malakasini takomillashtirishni taqozo etadi.

YOZISH UCHUN AVVALO, O'QISH KERAK



Nazarimda keyingi paytlar kitob o'qishga ehtiyoj qolmadi, degan bahonada mutolaaga e'tibor susayib ketganday.

- Aka, kitob yozsam, ko'rib berasizmi? - dedi umrida qo'lga kitob ushlagan tanishim.

- Qissami, romanmi? - dedim hazillashib.

- Hozircha bilmayman nima deb atashni, yozolmayman, kallamga hech vaqo kelmayapti.

- Ko'proq kitob o'qi, - dedim maslahat berib.

- O'qiyversang, kallangga fikrning o'zi quyilib keladi.

- E, kitob o'qishga vaqt qani, aka?

- Unda yozish qanday xayolingga kelib qoldi.

- Hamma kitob chiqaryapti-ku, havasim keldi.

O'ylab qoldim, uning gapida jon bor. Umrida yochitib o'qimagan, ammo o'zini iste'dodli ko'rsatib, xayoliga kelgan yengil-yelpi fikrlarni kitob qilib chiqarishga urinayotganlar ham uchraydi.

Yozish - dard. O'qish, o'rganish, hayotni, odamlarni kuzatish jarayonida o'zingni hayajonga solgan, qiy-nagan, o'ylantirgan qalb tug'yoni yozish, boshqalar bilan baham ko'rish ehtiyoji. Ya'ni, Maksim Gorkiy ta'kidlaganidek, "Bir foiz iste'dod - to'qson to'qqiz foiz mehnat".

Shuni ta'kidlash joizki, o'qiyman degan odam qanday sharoitda, qayerda, kim bo'lib ishlamasin, mutolaaga vaqt topadi. Bunday kishiga kitob nonday aziz. Inson nonsiz yashay olmaganidek, chinakam kitobxon mutolaasiz yashay olmaydi. Kitob - inson aql-zakovati mahsuli.

... Jamoa xo'jaligida mexanik bo'lib ishlardim. Darg'om soydan suv tortib berayotgan nasos-

dan xabar olish uchun borgandim. Tepalik ustida shox-shabbadan qurilgan chaylada ellik yoshdan oshgan qorovul Ahmad aka kitob o'qib o'tirardi. Salomlashib, chaylaga ko'z yugurtirdim. Meni ajablantirgan burchakdagi gazeta taxlamlari va badiiy kitoblari bo'ldi. Ahmad aka hayron bo'lganini sezdi shekilli, kulib izoh berdi.

- Kitobga nashavand bo'lib qolganman, o'qimasam turolmayman, xuddi nosqovog'ini yo'qotgan kashandaday xumori tutadi.

- Qo'lingizdagi qanaqa kitob? - so'radim qiziqib.

- Odil Yoqubovning "Ulug'bek xazinasi" romani. Baraka topsin yozuvchimiz, asarning o'zi ham xazinaga aylaniydi. Har bir so'zda bir olam hikmat bor!

Ahmad aka bilan ancha qurunglashib o'tirdik. Suhbatlashib to'yamsiz. Oddiy qorovulning odamiylik, hayot, inson qadr-qimmat, odobi, fazilatlar, yashashdan maqsad haqidagi purmano fikrlari faylasuflikdan qolishmasdi.

Ha, mutolaa aqlni charxlaydi, ongu tafakkurni nurafshon qiladi. Mustaqil fikrlash, tevarak-atrofga hushyor qarash, voqea-hodisalarga xolis baho berishga o'rgatadi. Odamlar bilan suhbat, muomalada, o'zini tutish, odob-axloqda ibrat bo'lish fazilatini tarbiyalaydi. Ammo

Mulohaza uchun mavzu

kitob o'qishning o'zi kifoya qilmaydi, o'qish bilan birga uqish ham kerak.

Mulohazamizga kimdir kitob o'qishga vaqt sarflashga hojat yo'q. Ana, internetda asar sujeti, personajlar, voqealar, ilgari surilgan g'oya, muallif haqida ma'lumot deysizmi, hammasi bor, deya e'tiroz bildirishi mumkin. To'g'ri, tezkor ma'lumot olish nuqtai nazaridan zamonaviy elektron axborot vositalarining qulayligi ko'p. Ammo ular hech qachon insonga kitob o'qishdagi zavq, hayajon, mushohada yuritish, asar ta'sirida go'zal tuyg'ular, kechinmalar bilan yashash hissiyatini berolmaydi.

Afsuski, o'qishga kishini majburlab bo'lmaydi. Buning uchun insonda bolaligidan mutolaaga mehr uyg'onishi zarur. O'ildada mo'jazgina kutubxona bo'lishi, kitoblari go'zal olam sari qo'yilgan birinchi qadamdir. Avvalo, o'ildada ota-ona kitobga mehr qo'yishi zarur.

Qush uyusida ko'rganini qiladi, degan gap bor. Ota-onaning qo'lidan kitob tushmaganini ko'rgan bola albatta, bunga qiziqib qoladi. Keyinchalik kitob o'qishga ishtiyiq bog'cha, maktabda she'r yodlash, ertaklar o'qish, kitobxonlik soatlari, sahna ko'rinishlari jarayonida kuchayadi, yozma ishlarda sayqallanadi. Ota-onalar, o'qituvchi, tarbiyachilar bolalarda kitob o'qishga havas uyg'otishda ularning qiziqishi, yoshiga qarab, kitob tanlashga e'tibor berishi lozim. Shuningdek, oila davrasida, bo'sh vaqtlarda kitobxonlik soatlari yo'lga qo'yilishi o'qishga mehrni oshiradi.

Bugun kitob nashr qilish ko'paydi. O'zbek va jahon adabiyoti dardonalari, mutaxassislikka oid darsliklar, o'quv qo'llanmalar deysizmi, kitob do'konlari liq to'la. Afsuski, ularning o'quvchilari kam. Ko'pchilik buni kitoblar qimmatligi bilan izohlaydi. O'ylab ko'ring, axir ular aql-ku! Aql esa arzon bo'lmaydi. Dabdabali to'y-hashamga sovurayotgan pullariningizni hisoblasangiz, kitob suv tekini. Lekin maosh olganimizda shaharga, bozorga tushganimizda kitob do'koniga kirishga, bitta kitob sotib olishga ko'zimiz qiyamaydi.

Esdan chiqarilmaslik lozim. Odam puldor bo'lishi mumkin, biroq o'qimasa, insoniy xislatlar egasi, aql-farosatli, o'zgalarga hamdard, odob-axloqli, kamtar, saviyasi yuqori shaxs bo'lmaydi. Bu fazilatlariga faqat bilim, yuksak tafakkur, o'z ustida ishlash, o'qish-o'rganish bilan erishiladi.

Tog'aymurod SHOMURODOV.

O'qing, qiziq



**KOFE NI
HIDLAGAN
FOYDALIROQ**

Kofein asab tizimiga salbiy ta'sir ko'rsatadigan kuchli qo'zg'atuvchi vositadir. Amerika psixiatriya assotsiatsiyasi kofein sabab bo'luvchi tashxislar ro'yxatiga qo'rquv, vahima, uyqu buzilishini qo'shdi. Ushbu muammolardan aziyat chekayotganlar butun dunyoda kofe, energetik va boshqa gazlangan ichimliklarni xush ko'ruvchilar hisobiga ortib bormoqda.

Kofe va choy tarkibidagi kofein dunyodagi eng keng tarqalgan "narkotik" hisoblanadi.

Umuman olganda, qahvani me'yorida iste'mol qilsangiz, uning salomatlikka ta'siri ijobiy bo'lishi mumkin. U neyrodegenerativ kasalliklar, insult va ayrim manbalarda hatto saraton kasalliklarining oldini olishi aytiladi. Shuningdek, u kuchli antioksidant sifatida ta'riflanadi.

Kofein muntazam iste'mol qilganlarda doimiy qaramlik paydo bo'lishi mumkin.

Kofein tabiiy ravishda paydo bo'lgan kimyoviy birikma bo'lib, o'simlik mahsulotlari, ichimlik va ayrim dorilarda mavjud. Shuningdek, kofeinning tein, matein, guaranin va teobromin nomlari ostida yashiringan analoglari ham bor.

Kofein aspirin va og'riq qoldiruvchi vositalarning ta'sirini kuchaytiradi. Shuning uchun u ko'pincha turli xil og'riq qoldiruvchi vositalar tarkibida mavjud.

Kofeinsiz kofe tayyorlashda, qahva donalaridan kofeinni ajratib olgach, farmatsevtika kompaniyalari va gazlangan ichimliklar ishlab chiqaruvchilarga sotadi.

Kofein hushyor qilmaydi, balki charchoqning oldini oladi. Ma'lum vaqt tetiklikdan so'ng organizm maxsus retseptorlar to'plami orqali hujayralarga kirib boradigan adozin neyromediator ishlab chiqara boshlaydi. Hujayralarda ko'p adozin to'planganda, inson charchaydi va uyqu bosadi. Kofein molekulasida adozin molekulasiga juda o'xshaydi, u xuddi shu tarzda hujayra qobig'iga yopishadi ammo kerakli retseptorlar yo'qligi sabab hujayra ichiga kira olmaydi. Kofein "charchoq" (adozin) yo'lini ham bir muddat to'sib qo'yadi va tetiklik hisi saqlanadi.

Tadqiqotda odamlar qahvani ichishdan ko'ra, hidlaganda analitik masalalarni yaxshiroq bajarishi aniqlandi.

Parhezli "Coca-Cola"da oddiysiga qaraganda 30 foiz ko'proq kofein mavjud.

G.XOLDOROVA tayyorladi.

SHU OYDA TAVALLUD TOPGANLAR

27-YANVAR

Islom ZOKIROV - (1928-2000) Samarqand shahrida tug'ilgan. Akusher-ginekolog. O'zbekiston Fanlar akademiyasining akademigi.

Burxon ISLOMOV -1938-yilda Payariq tumanida tug'ilgan. Dramaturg. Teatrshunos.

28 YANVAR

Yusuf ABDULLAEV - 1948-yilda Samarqand shahrida tug'ilgan, professor, Samarqand xalqaro texnologiyalar universiteti rektori.

Samarqand olimlari

Ma'rifat - ko'ngil ziyosi

Professor Yusuf Abdullayev siyratiga chizgilar

Dunyoda tasodifan sodir bo'ladigan voqea yo'q. Har bir hodisotning sababi, mohiyati bo'ladi. Shu nuqtai nazardan qaraydigan bo'lsak, Yusuf Ne'matovichning bugungi salohiyati, ilm-fandagi obro'si o'z-o'zidan bo'lgan emas. Birinchidan, ilmga tashnalik, ezgulikka chanqoqlik u kishiga jaded bobosi Ismatulla Rahmatullayevdan o'tgan. Ehtimol shuning uchundir, Yusuf aka maktabdalgida ham, SamDUda talabaligida ham hamisha izzat-ikromni emas, ilm-fanni ustun qo'ydi. Tengdoshlarining aytishlariga qaraganda, uyida binoiydek kutubxonasi bo'lishiga qaramasdan, dorilfunun kutubxonasida har kuni darsdan keyin soatlab manbalar bilan ishlagan.

Yusuf akaga Xudo bergan inoyat shundaki, u kishining amakis, akademik Vohid Abdulla o'z davrining yirik olimi edi. Padari buzrukori Ne'mat Abdullayev, fiqh ilmidagi O'zbekistonda dong taratgan olimlardan biri edi. Qush uyusida ko'rganini qiladi deganlaridek, Yusuf Ne'matovich ana shu sulo-laning munosib vakili, qadimiy Samarqandning fidoyi farzandi sifatida kamolga yetdi. U ajdodlarning obro'sidan emas, merosidan foydalandi, imtiyozidan emas, talabidan mas'uliyat sezdi. Shu sababli o'sha davrda yoshlar tashkilotlari, partiya va ijroqo'm, hukumat idoralarida ishlash jarayonida nafaqat tashkilotchilik qobiliyati, balki mustahkam bilimi bilan ham tilga tushdi.

Bugun Yu.Abdullayevning tarjimai holini aytishga hojat yo'q. Chunki viloyatdagi ziyoliman degan har bir kishi bu zahmatkash insonning hayotini juda yaxshi biladi. Xo'sh, Yusuf akadagi biz havas qiladigan fazilatlar nima o'zi?

Birinchidan, bu inson hech qachon o'z ilmi va salohiyati bilan kibrlanmaydi, ajdodlarining merosini va ularning an'analari yuksak qadrlaydi.

Ikkinchidan, beshdan ziyod tillarda bemalol so'zlaydi va yoza oladi. U kishining bu iqtidoriga nafaqat safdoshlari, balki Samarqandga tashrif buyurgan xorijliklar ham doimo havas qilishadi.

Uchinchidan, Yusuf aka doimo ogoh: dunyodagi, fandagi xususan, pedagogikadagi yangiliklardan doimo boxabar. Muhimi, bu yangiliklar mohiyatini anglagan holda uni shogirdlariga yetkaza olish mahorati ham o'zlashtirgan.



To'rtinchidan, domla Samarqandning chinakam jonkuyarlaridan biri. Dunyoning qaysi burchida bo'lmasin, yurtimiz tarixi, xalqimiz an'analari, allomalarimiz merosi haqida faxrlanib gapiradi.

Yusuf Ne'matovich respublikamizning eng oliy dargohlarida faoliyat ko'rsatdi, xorijdagi vakillim bo'ldi, chet eldagi o'nlab nufuzli oliygohlarda saboq berdi va bugungi kunda ham bu ishni davom ettirmoqda, ko'pchilik universitetlarda faxriy akademik sanaladi. Bu inson bilan bir bor suhbatlashsangiz, dunyoda bo'layotgan voqealar mohiyatini anglaysiz, eng asosiysi, dunyoni haqiqatdan ham ilm va idrok boshqarayotganligiga ishonch hosil qilasiz. Chunki domla ana shu aqidalarga amal qilib yashaydi.

Hozirgi kunda Yu.Abdullayev Samarqand xalqaro texnologiyalar universiteti rektori sifatida bu dorilfunun nufuzini oshirishga chinakamiga bel bog'lagan. U yerda deyarli har kuni ma'rifiy davralar uyushtiriladi. Universitet juda ko'p ko'rsatkichlar bo'yicha allaqachon O'zbekiston oliygohlari o'rtasida tilga tushgan. - Samarqand azal-azaldan ma'rifati o'lka hisoblangan, - deydi domla. - Allomalarimiz an'analarga munosib bo'lmoqlik har birimiz uchun ham farz, ham qarzdur. Men o'zimni bu yo'lda fidoyilik ko'rsatayotgan minglab, millionlab safdosh olimlarning biri deb hisoblayman.

Yetmish yetti yoshni qarshilayotgan ustozimizni tug'ilgan kuni bilan tabriklab, biz ham u kishidek ilmi, fidoyi bo'lishni orzu qilib qolamiz.

Po'lat NAZAROV.

Xalqlar do'stligi kuychisi

Taniqli adabiyotshunos olim, shoir, dramaturg va tarjimon, O'zbekistonda xizmat ko'rsatgan fan arbobi Rahim Muqimov tavalludiga yuz yil to'lishi munosabati bilan chop etilgan shu nomdagi kitobdan olimning do'stlari, shogirdlari xotiralari o'rin olgan.

R.Muqimov 1922-yilda Samarqand shahridagi Xo'ja Zudmurod mahal-lasida tug'ilgan. U dastlab oila muhitida boshlang'ich bilimlarni oldi. O'rta maktabni bitirgach, pedagogika bilim yurtida, Samarqand davlat universitetining filologiya fakultetida tahsil oldi. Oliyohda u Sadriddin Ayniy, Abdurahmon Sa'diy kabi ustozlardan bilim sirlarini o'rgandi. Universitetda Ayniy rahbarligida "Muhammadsharif Gulxaniy va uning "Zarbulmasal" asari to'g'risida" mavzusida dissertatsiya yozib, dotsent ilmiy unvonini oldi. R.Muqimov faoliyati davomida ko'plab ta'lim dargohlarida mas'uliyatli vazifalar-



da, xususan, Samarqand pedagogika institutida, so'ng Samarqand davlat universitetida dekan vazifasida ishladi.

R.Muqimov o'zbek va tojik mumtoz adabiyotining targ'ibotida salmoqli ishlar olib bordi. Bu borada uning XVIII-XIX asrlarda Qo'qon adabiy muhitida yashab, ijod qilgan Muhammadsharif Gulxaniy va XIX-XX asrlarda Samarqandda yashagan Orif Gulxaniy hayoti va ijodi tadqiqotlari alohida o'rin tutadi.

"Orif Gulxaniy" uy-muzeyi tashabbusi bilan chop etilgan kitobdan shuningdek, Rahim Muqimovning Orif Gulxaniy hayoti va ijodiga bag'ishlangan tadqiqotlari va xotiralari o'rin olgan.

Zamonamiz qahramonlari

Jomlik ijodkor Abdurasul Sattorovning yaqinda nashrdan chiqqan "Odamiylik ziyinati" hamda "Mehr yog'dusi" nomli kitoblari odamlar hayotini yengillash-tirish, tug'ilib o'sgan qishloq'ining obod bo'lishida o'z hissasini qo'shgan chekka hududlardagi qahramonlar hayoti, faoliyati haqida.

Nurobod tumani Jom qishlog'i tuman markazidan ancha olisda. Yaqin yillargacha bu hududda maktablar, madaniyat muassasalari sanoqli bo'lgan. Shu bois, yoshlarga bilim berishning o'zi bo'lmagan, ta'lim sohasida kadrlar yetishmagan. "Mehr yog'dusi" kitobida qishloq ziyolilaridan biri, butun hayotini bolalar tarbiyasiga bag'ishlagan jamil boshqaruvchi Adolat Tog'aye'yaning hayoti va mehnat faoliyati hikoya qilinadi. Unda keltirilgan bir nechta voqealarga Adolat opaning otasi va qaynotasi, tajribali muallimlar Tog'aynazar aka va Shamsiddin Tog'aynazar aka va Shamsiddin muallim o'rtasidagi iliq munosabatlar asos qilib olinadi. Unda muallif hayotda o'zi guvohi bo'lgan, bilgan voqealar, yolg'iz o'zi uch farzandni voyaga yetkazgan, shu asnodda qishloq bolalarining ta'lim-tarbiyasi bilan shug'ul-

langan Adolat opa kabi zamondosh qahramonlar haqida so'z yuritadi.

"Odamiylik ziyinati" kitobida shu qishloqda tug'ilib o'sgan va el xizmatida bo'lgan taniqli dorishunos Baxtiyor Yo'ldoshev haqida so'z boradi. Muallif voqealarni bosh qahramon atrofida jamlar ekan, insonning bu hayotda yashashdan maqsadi atrofidagi kishilarga yaxshilik ulashish, qo'lidan kelganicha ularga yordam berish va yoru do'stlariga samimiy munosabatda bo'lish ekanligini urg'ulaydi. Kitobdan asar qahramonlarining yoshlik xotiralari, ustoz va shogird munosabatlari haqidagi fikrlar o'rin olgan.



MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 11 352 nusxada chop etildi. Buyurtma 52. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.

Korxonalar manzili: Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.

Bosishga topshirildi: soat 19:00

Navbatchi muharrir:

A.SHERXOLOV.

Navbatchi:

O'.XUDOYBERDIYEV.


Sahifalovchi:

B.ABDULLAYEV.



Saytimizga o'tish uchun QR-kodni telefoningiz orqali skaner qiling

ISSN-201667X



9 1772010667009

Sotuvda narxi kelishilgan holda

